

# 聖多羅觀音供養讚嘆文

<https://www.youtube.com/embed/m236pnTcf1A>

普陀洛伽勝境中、綠色□□字所出生  
□□字放光度眾生、多羅眷眾祈降臨  
諸天非天頂髻嚴、恭敬跪捧兩足蓮  
度諸窮苦中之母、致禮多羅佛母前  
佛母尊聖多羅母、及諸十方三世中  
所有諸佛並弟子、我今一心敬讚禮  
花香燈燭及香水、妙食伎樂等供養  
實獻即於意所現、願眾聖母樂納受  
無始以來直至今、煩惱擾心所造作  
十不善及五無間、一切罪惡皆懺悔  
聲聞緣覺諸菩薩、乃至凡夫諸有情  
三世所積諸福善、我皆隨喜盡無餘  
隨諸有情一切願、宜其種種差別智  
應大小乘勸轉說、一切共通妙法輪  
直至輪迴不空際、請以不涅槃大悲  
為苦海中諸眾生、悉願聖母慈眼觀  
我今所集諸福善、皆成無上菩提因  
惟願不久為眾生、證得無上引導師

❶ 此乃吉祥比丘尼所作

## 聖多羅佛母二十一種禮讚文

敬禮救度速勇母、目如剎那電光照  
三世界尊蓮華面、從妙華中現端嚴  
敬禮百秋朗月母、普遍圓滿無垢面  
如千星宿俱時聚、殊勝威光超於彼  
敬禮紫磨金色母、妙蓮華手勝莊嚴  
施精勤行柔善靜、忍辱禪定性無境  
敬禮如來頂髻母、最勝能滿無邊行  
得到彼岸盡無餘、勝勢佛子極所愛  
敬禮度達惹吽字、咒聲滿愛空方所  
運足遍履七世界、悉能鉤召攝無餘  
敬禮釋梵火天母、風神自在眾俱集  
部多起屍尋香等、諸藥叉眾作稱歎

敬禮具札及呬母、於他加行極摧壞  
展左蹠右作足踏、頂髻熾盛極明耀  
敬禮度惹恐怖母、勇猛能摧怨魔類  
於蓮華面作顰眉、摧壞一切冤家眾  
敬禮三寶嚴印母、手指當心威嚴相  
嚴飾方輪盡無餘、自身熾盛光聚種  
敬禮威德歡悅母、寶冠珠鬘眾光飾  
最極喜笑度達惹、鎮世間魔作攝伏  
敬禮守護眾地母、亦能夠召諸神眾  
搖顰眉面作呬聲字、一切衰敗令度脫  
敬禮頂冠月相母、冠中現勝妙嚴光  
阿彌陀佛髻中現、常放眾妙寶光明  
敬禮如盡劫火母、安住熾盛頂髻中  
普遍喜悅半趺坐、能摧滅壞惡冤輪  
敬禮手按大地母、以足踐蹋作鎮壓  
現顰眉面作呬聲、能破七險鎮降伏  
敬禮安隱柔善母、涅槃寂滅最樂境  
莎訶及喻以相應、善能消滅大災禍  
敬禮普遍極喜母、諸怨支體令脫離  
十字咒句妙嚴布、明咒呬聲常朗耀  
敬禮度惹加足母、足躡相勢呬字種  
山王花山民陀山、於此三處能搖動  
敬禮手持神獸母、神獸相勢如天海  
誦二達惹及呬字、能滅諸毒盡無餘  
敬禮諸天集會母、天緊那羅所依愛  
威德歡悅若堅鎧、滅除鬥諍及惡夢  
敬禮日月廣圓母、目睹猶勝普光照  
誦二哈惹度達惹、善除惡毒瘟熱病  
敬禮具三真實母、善靜威力皆具足  
藥叉執魅尾怛辣、度惹最極除災禍  
如是本咒及讚嘆、敬禮共成二十一

## 利益分

救度尊處誠信禮、若有智者勤誦持  
每晨旦起夕時禮、憶念施諸勝無畏  
一切罪業盡消除、悉能超越諸惡趣  
此等速能得聰慧、七俱胝佛所灌頂  
現世富貴壽延安、當來趣向諸佛位  
有時誤服諸毒物、或自然生或合成  
憶念聖尊真實力、諸惡毒藥盡消滅  
或見他人遭鬼魅、或發熱病受諸苦

